

0630748

Էլեկտրոնային հաղորդակցության ծառայությունների մատուցման պայմանագիր N023/12/01/2015

ք. Երևան

«12» հունվարի 2015թ.

«Յուքոմ» ՍՊԸ Ընկերությունը, ի դեմս ընկերության փոխտնօրեն Արամ Բարսեղյանի, ով գործում է N 002/14 լիազորագրի հիման վրա, այսուհետ՝ «Օպերատոր», մի կողմից, և «Հայաստանի Հանրային Հեռուստառադիոընկերություն» ՊԸ-ն, ի դեմս պատվիրատուի ղեկավար Դավիթ Գասպարյանի, Անձնագիր AH0306684, տրված 07.02.2006թ. 004-ի կողմից, ով գործում է առ 21.01.2014թ. թիվ 09 հրամանի հիման վրա, այսուհետ՝ «Բաժանորդ», մյուս կողմից (այսուհետ՝ Բաժանորդը և Օպերատորը միասին՝ «Կողմեր», իսկ առանձին՝ «Կողմ»), կնքեցին սույն պայմանագիրը (այսուհետ՝ «Պայմանագիր») հետևյալի մասին:

1. Պայմանագրի առարկան

1.1. Օպերատորը պարտավորվում է Բաժանորդին մատուցել էլեկտրոնային հաղորդակցության ծառայություններ (այսուհետ՝ «Ծառայություն» կամ «Ծառայություններ»), որոնց նկարագրության, քանակի և սակագնային փաթեթների մասին տեղեկությունները ներկայացված են Պայմանագրի անբաժանելի մասը կազմող հավելվածներում և/կամ Օպերատորի պաշտոնական վեբ կայքում (www.ucom.am), իսկ Բաժանորդը պարտավորվում է վճարել այդ ծառայությունների համար՝ Պայմանագրով սահմանված կարգով և ժամկետներում:

2. Ծառայությունների մատուցման հիմնական պայմանները

- 2.1. Օպերատորի կողմից մատուցվող Ծառայությունները պատշաճ կերպով ստանալու համար Պայմանագիրը ստորագրելուց հետո անհրաժեշտության դեպքում Օպերատորի կողմից Բաժանորդին է տրամադրվում Սարքը:
- 2.2. Պայմանագրի իմաստով «Սարք» է համարվում այն սարքավորումը կամ սարքավորումները, որոնց միջոցով Օպերատորը կազմակերպում կամ մատուցում է իր ծառայությունները:
- 2.3. Օպերատորի կողմից Սարքը տեղադրելուց, կարգաբերելուց և այն Բաժանորդի տիրապետմանը հանձնելուց հետո Բաժանորդի և Օպերատորի միջև կնքվում է Սարքի

- հանձնման-ընդունման ակտ, որը հանդիսանում է Պայմանագրի անբաժանելի մասը:
- 2.4. Բաժանորդն ընդունում է, որ Սարքը համարվում է Օպերատորի կողմից պատշաճ կերպով տեղադրված, կարգաբերված և իրեն հանձնված Օպերատորի կողմից Բաժանորդին Պայմանագրով նախատեսված Ծառայությունները փաստացի մատուցելու պահից:
 - 2.5. Օպերատորի կողմից տրամադրվող Սարքը, մալուխը և դրանց պատկանելիքներն ու մասերը, ինչպես նաև Օպերատորի կողմից դրանց վրա կատարված ցանկացած փոփոխության և/կամ վերանորոգման արդյունք, եթե այլ բան գրավոր կերպով նախատեսված չէ Կողմերի միջև, համարվում են Օպերատորի սեփականությունը:
 - 2.6. Բաժանորդը չի կարող իրեն տրամադրված Սարքը, մալուխը, դրանց պատկանելիքներն ու մասերը վճարովի կամ անհատույց հիմունքներով փոխանցել, վարձակալությամբ տրամադրել երրորդ անձի կամ որևէ փոփոխության ենթարկել: Պայմանագրի լուծման դեպքում Օպերատորի կողմից տրամադրված Սարքը, մալուխը, դրանց պատկանելիքներն ու մասերը վերադարձվում են Օպերատորին:
 - 2.7. Բաժանորդը պարտավոր է փոխհատուցել իր կողմից Սարքի անբարեխիղճ պահպանման, ոչ լիազորված վերանորոգման, Սարքի վրա տեղադրված հոլդերաֆիկ տարբերանշանի կանխամտածված ջնջման, փոփոխման կամ այլ կերպ վնասման հետևանքով Օպերատորին հասցված բոլոր վնասները:
 - 2.8. Օպերատորի աշխատակիցների կողմից տեղադրված Սարքերի կարգաբերման, տեղադրման, հանձնման, սպասարկման և այլ անհրաժեշտ աշխատանքների իրականացման բացառիկ իրավունքը պատկանում է Օպերատորի աշխատակիցներին:
 - 2.9. Այն դեպքում, երբ Ծառայությունը մատուցվում է Օպերատորի կողմից տրամադրվող մալուխով, Բաժանորդը պատասխանատու է մալուխի շենք մտնելու և շենքում մալուխի անցկացման թույլտվությունների ձեռքբերման համար:
 - 2.10. Ծառայությունների մատուցման նպատակով իրականացվող համակցման աշխատանքները 50 (հիսուն) մետրը չգերազանցելու դեպքում կատարվում են անվճար: 50 (հիսուն) մետրը գերազանցող համակցման աշխատանքների արժեքը յուրաքանչյուր մեկ մետրի համար կազմում է 400 (չորս հարյուր) ՀՀ դրամ, որը Բաժանորդը պարտավորվում է վճարել Օպերատորի կողմից ներկայացված հաշիվ-ապրանքագիրը ստանալուց հետո 15 (տասնհինգ) աշխատանքային օրվա ընթացքում:
 - 2.11. Կողմերը սույնով ընդունում և համաձայնում են, որ համակցման աշխատանքներից առաջ կատարված չափազրման ժամանակ հաշված երկարությունը կարող է տարբերվել փաստացի օգտագործված մալուխների երկարությունից, ուստի համակցման աշխատանքների դիմաց վճարելու ժամանակ հիմք է ընդունվում ոչ թե չափազրման ժամանակ հաշված երկարությունը, այլ Սարքի հանձնման-ընդունման ակտում նշված փաստացի օգտագործված մալուխների երկարությունը:
 - 2.12. Բաժանորդը պարտավորվում է Պայմանագրով մատուցվող Ծառայություններից օգտվել «Էլեկտրոնային հաղորդակցության մասին» ՀՀ օրենքի դրույթներին համապատասխան:
 - 2.13. Ֆիքսված հեռախոսակապի ծառայությունից օգտվելու դեպքում Բաժանորդը պարտավորվում է իրեն տրամադրված հեռախոսահամարն օգտագործել այն աշխարհագրական տարածքում, որի համար, համաձայն ՀՀ Հանրային ծառայությունները կարգավորող հանձնաժողովի 20.12.2012թ. թիվ 540Ա որոշման, հատկացված է տվյալ տարածքային կոդը:
 - 2.14. Պայմանագրի 2.11. կետը խախտելու դեպքում Բաժանորդը պարտավորվում է Օպերատորին ամբողջությամբ փոխհատուցել վերջինիս կրած բոլոր վնասները՝

Օպերատորի կողմից այդ մասին Բաժանորդին ծանուցելուց հետո 7 (յոթ) օրվա ընթացքում:

3. Կողմերի իրավունքներն ու պարտականությունները

3.1. Օպերատորն իրավունք ունի՝

- 3.1.1. Բաժանորդից պահանջել ժամանակին վճարելու Պայմանագրով փաստացի մատուցված ծառայությունների դիմաց,
- 3.1.2. Բաժանորդի կողմից Պայմանագրի պայմանների և կետերի խախտման դեպքում միակողմանի հրաժարվել Պայմանագրի կատարումից և ապամոնետաժել իր կողմից տեղադրված մալուխներն ու Սարքը,
- 3.1.3. մատուցված ծառայությունների դիմաց Բաժանորդի կողմից Պայմանագրի 5.1. կետով սահմանված ժամկետում վճարում չկատարելու դեպքում իր հայեցողությամբ Բաժանորդից պահանջել վճարելու տույժ՝ յուրաքանչյուր ուշացված օրվա համար ամսական վճարի 0,05 (զրո ամբողջ հինգ հարյուրերորդական) տոկոսի չափով և/կամ Բաժանորդին ժամանակավորապես անջատել ցանցից՝ մինչև վերջինիս կողմից գոյացած պարտքի ամբողջական մարումը,
- 3.1.4. դադարեցնել ծառայությունների մատուցումը և լուծել Պայմանագիրը՝ Բաժանորդի կողմից ինտերնետ մուտքի հնարավորությունը ինտերնետի մյուս տերմինալների կամ բաժանորդների նկատմամբ վնասակար գործողությունների իրականացման նպատակով օգտագործելու, ինտերնետ ցանցի էթիկայի կանոններին հակասող գործողություններ իրականացնելու դեպքում, ինչպիսիք են SPAM-ի (անանուն, անցանկալի հաղորդագրությունների) ուղարկումը, հակաօրենսդրական գործողություններ խրախուսող նյութերի տարածումը, ցանցում գտնվող համակարգիչների նկատմամբ ծրագրային կամ ապարատային ոտնձգությունները (հակերությունը):

3.2. Օպերատորը պարտավոր է՝

- 3.2.1. Ծառայությունները մատուցել պատշաճ որակով՝ Պայմանագրում ամրագրված պայմաններին և ժամկետներին համապատասխան,
- 3.2.2. Պայմանագրի գործողության ընթացքում Ծառայություններից օգտվելու համար Բաժանորդին հատկացնել Սարքը և/կամ կատարել համապատասխան ցանցային միացումներ՝ կապված Սարքի տեղադրման հետ,
- 3.2.3. ողջամիտ ժամկետում անհատույց իրականացնել Սարքի վերանորոգման, վերականգնման աշխատանքները՝ ի հայտ եկած Սարքի արտադրական խոտանի դեպքում, և վերացնել ի հայտ եկած սխալներն ու անսարքությունները, եթե այդ թերությունները գտնվում են Օպերատորի հսկողության տակ,
- 3.2.4. սակագների փոփոխությունների մասին Բաժանորդին տեղյակ պահել նոր սակագների կիրառումից առնվազն 30 (երեսուն) օր առաջ:

3.3. Բաժանորդն իրավունք ունի՝

- 3.3.1. պահանջել Օպերատորից Պայմանագրի կնքման պահից սկսած 15 (տասնհինգ) աշխատանքային օրվա ընթացքում իրեն տրամադրել Պայմանագրի 1.1. կետում նշված Ծառայությունները, եթե Ծառայությունների տրամադրման ընթացքում ի հայտ չեն եկել անլուծելի տեխնիկական խնդիրներ,
- 3.3.2. պահանջել Օպերատորից իրեն տրամադրել անհրաժեշտ տեղեկատվություն՝

մատուցվող Շառայություններից ճիշտ և անվտանգ օգտվելու համար:

3.4. Բաժանորդը պարտավոր է՝

- 3.4.1. ժամանակին և Պայմանագրով սահմանված կարգով վճարել փաստացի մատուցված Շառայությունների համար Պայմանագրի Հավելված 1-ով նախատեսված վճարը, անգամ եթե Օպերատորի հսկողությունից դուրս գտնվող տեխնիկական կամ այլ պատճառների հետևանքով, Բաժանորդը չի օգտվել Շառայություններից, կամ եթե վերջինս չի կարողացել կարգաբերել սեփական ցանցը և ապահովել Շառայությունների որակյալ ընդունումը:

4. Շառայությունների մատուցման կասեցումը, դադարեցումը և վերաակտիվացումը

- 4.1. Օպերատորն իրավունք ունի կասեցնել, սահմանափակել կամ դադարեցնել Բաժանորդին մատուցվող Շառայությունները՝ առանց այդ մասին վերջինիս նախապես ծանուցման, եթե Բաժանորդը՝
 - 4.1.1. օգտագործել է չսերտիֆիկացված և/կամ Օպերատորի ցանցի հետ անհամատեղելի կամ ցանցի պատշաճ աշխատանքին խոչընդոտող սարք,
 - 4.1.2. խախտել է Պայմանագրի պայմանները կամ ՀՀ գործող օրենսդրության պահանջները:
- 4.2. Բաժանորդը կարող է անվճար կարգով ժամանակավորապես կասեցնել/դադարեցնել մատուցվող Շառայությունները 10 (տասը) օրից մինչև 2 (երկու) ամիս ժամկետով՝ Օպերատորին ներկայացնելով համապատասխան դիմումը և վճարելով մինչ այդ օրն իրեն մատուցված Շառայությունների դիմաց:
- 4.3. Բաժանորդի կողմից դիմումում նշված Շառայությունների մատուցումը ժամանակավորապես կասեցնելու/դադարեցնելու ժամկետը լրանալուց հետո Բաժանորդին մատուցվող Շառայություններն ավտոմատ կերպով վերսկսվում են: Եթե Բաժանորդը ցանկանում է ժամանակավորապես կասեցնել/դադարեցնել իրեն մատուցվող Շառայություններն ավելի քան երկամսյա ժամկետով, ապա նա համապատասխան դիմումը ներկայացնելուց հետո պարտավոր է Օպերատորին հետ վերադարձնել Սարքը՝ կատարելով համապատասխան վճարումներ, եթե այդպիսիք սահմանված են Օպերատորի կողմից, այդ թվում՝ վճարային պարտքը, տույժերը, Օպերատորի կողմից կատարված աշխատանքների և այլ փաստացի կատարված ծախսերի դիմաց վճարները:
- 4.4. Եթե Բաժանորդն օգտվում է Օպերատորի կողմից մատուցվող 1-ից (մեկից) ավելի Շառայություններից, ապա այդ Շառայություններից որևէ մեկի համար Պայմանագրով սահմանված ժամկետում չվճարելու դեպքում Օպերատորն իրավունք ունի Շառայությունների մատուցման կասեցումը կամ սահմանափակումը կիրառել Բաժանորդին մատուցվող մյուս բոլոր Շառայությունների նկատմամբ:

5. Շառայությունների գինը և վճարման կարգը

- 5.1. Բաժանորդը Պայմանագրով սահմանված Շառայությունների համար վճարում է Օպերատորի կողմից ներկայացված հաշիվ-ապրանքագրի հիման վրա Շառայությունների մատուցման համապատասխան ամսվա ավարտից հետո առավելագույնը 45 (քառասունհինգ) օրվա ընթացքում:

- 5.2. Բաժանորդի կողմից Պայմանագրով սահմանված Ծառայությունների համար վճարումը համարվում է կատարված Օպերատորի կողմից Բաժանորդին ներկայացված հաշիվապահման քաղաքացիական նշված Օպերատորի բանկային հաշվեհամարին վճարումը (գումարը) մուտք լինելու պահից:
- 5.3. Ծառայությունների մատուցման ամսվա ընթացքում Օպերատորի մեղքով (Օպերատորի ցանցի անսարքությունների հնարավոր անջատումների) առաջացած թերությունների ընդհանուր ժամանակահատվածը, որը հաշվառվում է Օպերատորի անսարքության քարտերի համակարգում, չպետք է գերազանցի ամսական թույլատրելի սահմանաչափը՝ 16 (տասնվեց) ժամը: Ամսական այդ թույլատրելի սահմանաչափը գերազանցող ժամանակահատվածի համար կատարվում է Ծառայության ամսական վճարի նվազեցում, որը հաշվարկվում է հետևյալ բանաձևով.

$$A = \frac{B \times C}{D}$$

Որտեղ՝

A - Ծառայությունների ամսական վճարից նվազեցվող գումար

B - Ծառայությունների ամսական արժեք

C - Ամսական թույլատրելի սահմանաչափը գերազանցող ժամերի քանակ

D - Միջին ամսական ժամերի քանակ, որը հավասար է 729.6 (30.4 /միջին ամսական օրերի թիվ/ x 24 /1 օրվա ժամերի քանակ/):

- 5.4. Պայմանագրի հավելվածներով սահմանված վճարներից բացի, հեռուստատեսային առանձին ծառայությունների և ֆիքսված հեռախոսակապի ծառայությունների դեպքում Բաժանորդից կարող են գանձվել հավելյալ վճարներ՝ Օպերատորի վեր կայքում տեղադրված և Օպերատորի սպասարկման գրասենյակներում ներկայացված պայմաններին և սակագներին համապատասխան:
- 5.5. Պայմանագրի հավելված(ներ)ով սահմանված ֆիքսված հեռախոսակապի ծառայության վճարը համարվում է բաժանորդավճար (ամսավճար), որը գանձվում է Բաժանորդից՝ անկախ վերջինիս կողմից տվյալ ամսվա ընթացքում հեռախոսակապի ծառայությունից օգտվելու հանգամանքից, հեռախոսակապի ծառայությունից օգտվելու օրերի կամ նշված ծառայության դադարեցված/կասեցված օրերի քանակից:

6. Կողմերի պատասխանատվությունը

- 6.1. Օրենքի թույլատրելի սահմաններում Կողմերը սույնով հրաժարվում են միմյանց անուղղակի վնասների և բաց թողնված օգուտների հատուցման պահանջներից: Ցանկացած պարագայում Օպերատորի պատասխանատվությունը Բաժանորդի հանդեպ չի կարող գերազանցել Բաժանորդին մատուցվող Ծառայությունների դիմաց տվյալ ամսվա համար գանձվող ամսական գումարի՝ Օպերատորի մեղքով Ծառայություններից օգտվելու անհնարինության ժամկետին համամասնորեն հաշվարկված գումարը:
- 6.2. Բաժանորդը պարտավորվում է Պայմանագրի լուծման դեպքում 7 (յոթ) օրվա ընթացքում հնարավորություն ստեղծել Օպերատորի մասնագետների համար ապամոնտաժելու Սարքը, մալուխը, ինչպես նաև դրանց պատկանելիքներն ու մասերը: Սույն կետով նախատեսված ժամկետում նման հնարավորություն չստեղծելու կամ այն

սահմանափակելու դեպքում Օպերատորն իրավասու է Բաժանորդից պահանջել որպես տույժ վճարել 1000 (մեկ հազար) ՀՀ դրամ կետանցի յուրաքանչյուր օրվա համար:

6.3. Օպերատորը պատասխանատվություն չի կրում.

6.3.1. դժբախտ պատահարի կամ իր գործընկերների (այդ թվում՝ օտարերկրյա) կամ գործակալների միջոցով փոխանցվող ազդանշանների կամ մատուցվող ծառայությունների խափանման կամ դադարեցման հետևանքով առաջացած ընդհատումների, անջատումների, խափանումների կամ որոշակի տեսակի ծառայությունների, Սակագնային Պլանների/Փաթեթների մեջ կատարված փոփոխությունների համար,

6.3.2. Բաժանորդին պատկանող համակարգչի/ների կամ այլ սարքավորման/ումների անսարքության պատճառով ծառայությունների պատշաճ չընդունման կամ ընդհատման համար,

6.3.3. աշխատանքների, մասնավորապես՝ ընթացիկ, ցանցի ամրապնդման, պահպանման, ընդարձակման կամ վերանորոգման հետևանքով առաջացած ընդհատումների և խափանումների համար, եթե դրանք չեն գերազանցում ամսական 16 (տասնվեց) ժամը:

6.4. Ինտերնետ հասանելիության ծառայության մատուցման դեպքում Պայմանագրի անբաժանելի մասը կազմող հավելված(ներ)ում նշված յուրաքանչյուր սակագնային փաթեթ(ներ)ի համար սահմանված արագությունները նախատեսված են Օպերատորի պաշտոնական վեբ կայքում նշված քանակով համակարգիչների միացման և օգտագործման համար: Սահմանված քանակից ավել համակարգիչներ ցանցին միացնելու և ինտերնետ հասանելիության ծառայությունից օգտվելու դեպքում ծառայությունների ընդհատումների, խափանումների և արագության անկման համար Օպերատորը որևէ պատասխանատվություն չի կրում:

6.5. Օպերատորը ոչ մի վերահսկողություն չի իրականացնում իր ցանցով տեղափոխվող տեղեկատվության նկատմամբ և պատասխանատու չէ Բաժանորդի կողմից ստացված տեղեկատվության և բովանդակության ճշտության համար: Օպերատորի ցանցի միջոցով տեղափոխվող ցանկացած տեղեկատվություն կամ բովանդակություն օգտագործվում է Բաժանորդի ռիսկով և պատասխանատվությամբ:

6.6. Օպերատորը պատասխանատվություն չի կրում SPAM-ի, հակերային գործունեության, վիրուսների փոխանցման և դրա հետևանքով Բաժանորդին պատճառված վնասների համար:

6.7. Բաժանորդն իրավունք չունի այլ անձի օտարել կամ փոխանցել Պայմանագրով ստանձնած իր իրավունքներն ու պարտականությունները: Բաժանորդն է Օպերատորի համար հանդիսանում միակ պատասխանատուն՝ Պայմանագրով ստանձնած իր պարտավորությունների չկատարման կամ ոչ պատշաճ կատարման, վճարումները ժամանակին չկատարելու, ինչպես նաև Օպերատորին պատճառված իրական վնասի համար:

6.8. Օպերատորը պատասխանատվություն չի կրում վճարումներն ընդունող միջնորդի կողմից սահմանված կանոնների համաձայն որևէ լրացուցիչ միջնորդավճարի գանձման համար:

6.9. Բաժանորդը պատասխանատու է Սարքի, ինչպես նաև Սարքն օգտագործելու համար հանձնման-ընդունման ակտի հիման վրա իրեն փոխանցված կամ Սարքին միացված սարքավորումների, մալուխների, լարերի և այլ պարագաների համար և դրանց փչացման սխալ օգտագործման, կորստի, վնասվածքի կամ հափշտակության դեպքում պարտավոր

Օպերատորին փոխհատուցել դրանց արժեքը լրիվ ծավալով՝ պատճառված վնասին համամասնորեն:

7. Պայմանագրի գործողության ժամկետը

- 7.1. Պայմանագիրն ուժի մեջ է մտնում ստորագրման պահից և գործում է 1 (մեկ) տարի ժամկետով: Պայմանագրի ժամկետը լրանալուց ոչ ուշ, քան 15 (տասնհինգ) օր առաջ մյուս Կողմին Պայմանագիրը լուծելու մասին գրավոր կերպով չտեղեկացնելու դեպքում Պայմանագրի գործողության ժամկետը յուրաքանչյուր անգամ երկարաձգվում է 1 (մեկ) տարի ժամկետով: Երկարաձգումների քանակը սահմանափակված չէ:
- 7.2. Պայմանագիրը կարող է վաղաժամկետ լուծվել Կողմերի փոխադարձ համաձայնությամբ կամ Կողմերից որևէ մեկի նախաձեռնությամբ: Նախաձեռնող Կողմը պարտավոր է այդ մասին գրավոր ծանուցում ուղարկել մյուս Կողմին առնվազն 30 (երեսուն) օր առաջ:
- 7.3. Պայմանագրի անբաժանելի մասը կազմող Հավելված 1-ում նշված մատուցվող Ծառայությունների հասցե/ների փոփոխության դեպքում Բաժանորդը պարտավորվում է առնվազն 15 (տասնհինգ) օր առաջ այդ մասին ծանուցել Օպերատորին:
- 7.4. Պայմանագրի գործողության դադարեցումը Կողմերին չի ազատում միմյանց նկատմամբ Պայմանագրի գործողության ընթացքում առաջացած պարտավորությունների կատարումից:

8. Անհաղթահարելի ուժի ազդեցությունը (Ֆորս-մաժոր)

- 8.1. Պայմանագրով պարտավորությունները մասնակիորեն կամ ամբողջությամբ չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության արդյունք, որը ծագել է Պայմանագիրը կնքելուց հետո և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, սաբոտաժը, պետական մարմինների ակտերը և այլն, որոնք անհնարին են դարձնում Պայմանագրով սահմանված պարտականությունների կատարումը:
- 8.2. Եթե արտակարգ ուժի ազդեցությունը շարունակվում է 3 (երեք) ամսից ավել, ապա Կողմերից յուրաքանչյուրն իրավունք ունի լուծել Պայմանագիրը՝ այդ մասին նախապես գրավոր ծանուցելով մյուս Կողմին:

9. Եզրափակիչ դրույթներ

- 9.1. Պայմանագրի ցանկացած փոփոխություն կամ լրացում կատարվում է գրավոր՝ Կողմերի փոխադարձ համաձայնությամբ և կազմում է Պայմանագրի անբաժանելի մասը:
- 9.2. Կողմերը պարտավորվում են միջոցներ ձեռնարկել մյուս Կողմի կոնֆիդենցիալ տեղեկատվության գաղտնիության պահպանման համար և չհրապարակել այն երրորդ

անձանց առանց մյուս Կողմի գրավոր համաձայնության՝ բացառությամբ ՀՀ գործող օրենսդրությամբ սահմանված դեպքերի:

- 9.3. Պայմանագրի շրջանակում Կողմերի միջև ծագած վեճերը և տարաձայնությունները լուծվում են բանակցությունների միջոցով 5 (հինգ) աշխատանքային օրվա ընթացքում: Համաձայնություն ձեռք չբերելու դեպքում յուրաքանչյուր Կողմ իրավունք ունի վեճերի լուծումը հանձնել ՀՀ տարածքում իրավասու դատարանի քննությանը:
- 9.4. Պայմանագիրը կազմված է հայերենով 2 (երկու) հավասար իրավաբանական ուժ ունեցող օրինակներից: Յուրաքանչյուր Կողմին տրվում է Պայմանագրի մեկական օրինակ:
- 9.5. Պայմանագրին կից հավելվածները հանդիսանում են վերջինիս անբաժանելի մասը:

10. Կողմերի վավերապայմանները և ստորագրությունները

Օպերատոր

Բաժանորդ

«Յուրոմ» ՍՊԸ

Իր. հասցե՝ ք. Երևան, Տերյան 19, բն.4

Գործ. հասցե՝ ք. Երևան, Սայաթ-Նովա 40/1

Հեռ.՝ 374 11 444444

Ֆաքս՝ 374 60 444441

ՀՎՀՀ 00024873

«Էյչ-Էս-Բի-Սի Բանկ Հայաստան» ՓԲԸ

Հ/Հ 001-264993-001

«Հայաստանի Հանրային

Հեռուստառադիոընկերություն» ՊՀ

Իր. հասցե՝ ք. Երևան, Ալ. Մանուկյան 5

Գործ. հասցե՝ ք. Երևան, Ալ. Մանուկյան 5

Հեռ.՝ 010574581

ՀՎՀՀ 01539597

Էլ.փոստ՝ syune@cptvrc.am

Փոխստորեն՝



Ա. Բադալյան



Պատվիրատուի ղեկավար՝



Դ. Գաապարյան



Ծառայության (Ծառայությունների) նկարագիրը, քանակը և սակագները

ք. Երևան

«12» հունվարի 2015թ.

1. Տրամադրվող Ծառայություններ

N	Նկարագրություն	Ամսավճար (ՀՀ դրամ)	Հասցեներ
1	U!net Data Extra Տվյալների փոխանցում 3 Մբթ/վ	15000	ք. Երևան, Ալ. Մանուկյան 5

2. Ծառայությունների սակագները

2.1. Ծառայության (Ծառայությունների) ամսական վճարը կազմում է 15000 (տասնհինգ հազար) ՀՀ դրամ (ներառյալ ԱԱՀ):

Օպերատոր

Բաժանորդ

«Յուքոմ» ՍՊԸ
Իր. հասցե՝ ք. Երևան, Տերյան 19, բն.4
Գործ. հասցե՝ ք. Երևան, Սայաթ-Նովա 40/1
Հեռ.՝ 374 11 444444
Ֆաքս՝ 374 60 444441
ՀՎՀՀ 00024873
«Էյչ-Էս-Բի-Սի Բանկ Հայաստան» ՓԲԸ
Հ/Հ 001-264993-001

«Հայաստանի Հանրային
Հեռուստառադիոընկերություն» ՊՀ
Իր. հասցե՝ ք. Երևան, Ալ. Մանուկյան 5
Գործ. հասցե՝ ք. Երևան, Ալ. Մանուկյան 5
Հեռ.՝ 010574581
ՀՎՀՀ 01539597
Էլ. փոստ՝ syune@cptvrc.am

Փոխստորագրող

Պատվիրատուի ղեկավար՝


Ա. Բարսեղյան


Գ. Գասպարյան

